

ՕՏԱՐ ԵԿԵՂԵՑԻՆԵՐ

ՊՐԱՒՈՍԼԱՆԻ ԵԿԵՂԵՑԻ

ՌՈՒՍԱՅ ԵԿԵՂԵՑՈՒ ԱՐՏԱԿԱՐԴ ԺՈՂՈՎԻ ԿԱԶՄԸ

Բարձրագոյնս հաստատուած են ռուսաց եկեղեցու առաջիկայ արտահարգ ժողովի կազմի և գործադարութեան կարգի վերաբերեալ հետևեալ օրէնքները:

1. Ժողովը կազմուում է եպիսկոպոսներէց, կղերիկոսներէց և աշխարհականներէց:

2. Թեմակալ եպիսկոպոսները անպայման մասնակցում են ժողովին, իսկ փոխանորդ և անպաշտօն եպիսկոպոսները մասնակցում են ժողովին ս. Սինոդի հրաւիրանօք:

3. Այն թեմակալ եպիսկոպոսները, որոնք չեն կարող ներկայ գտնուել ժողովին յարգելի պատճառով, ուղարկում են իրենց տեղապահներին, հոգևորական անձերէց, ձայնի իրաւունքով:

4. Ժողովի հրաւիրուած կղերիկոսներն ու աշխարհականները մասնակցում են ժողովի ընդ որ դորժերի ու խնդիրների խորհրդածութեանը, ոսկայն ժողովի որոշումներն ու վճիռները կազմում ու ստորագրում են, մի միայն եպիսկոպոսները կամ նրանց տեղապահները:

5. Խնդիրները նախապէս մշակելու համար կազմուում են, ինչպէս եպիսկոպոսներէց, նոյնպէս և կղերիկոսներէց և աշխարհականներէց, առանձին խորհուրդներ, եթէ ժողովը կարևոր կը համարի, որոնք և իրենց եղրակացութիւնները առաջարկում են ժողովի քննութեանը:

6. Իւրաքանչիւր թեմից եպիսկոպոսի հետ միասին ժողովի են գալիս երկու անգամ. մէկը կղերականներէց, միւսը աշխարհականներէց:

7. Պալատական և զինուորական հոգևորականութիւնից աւագ քահանաների հետ ժողովի են գալիս երկուական անգամ, մէկը քահանաներէց և միւսը եկեղեցու երեսփոխաններէց՝ աւագ քահանայի ընտրութեամբ:

8. Թեմական ընտրութիւնները ժողովի համար կատարուում են ծխական, գործակալական շրջանի և թեմական ժողովներում: Ծխական ժողովներում իւրաքանչիւր հոգևորականի դէմը ընտրուում է մի աշխարհական ներկայացուցիչ: Գործակալութեան հոգևորականները ծխական ներկայացուցիչների հետ գործակալական ժողովում ընտրում են իրենց միջից մի քահանայ և մի աշխարհական թեմական ընտրական ժողովի համար: Վերջինս իւր կազմի միջից ընտրում է երեք հոգևորական և երեք աշխարհական, որոնցից թեմական առաջնորդը հաստատում է մի քահանայի և աշխարհականի ժողովին մասնակցելու համար: Այդ ընտրութեանց կարգը որոշուում է ո. Սինոդից մշակած յատուկ կանոններով:

9. Ժողովին մասնակցում են անդամի իրաւունքներով և Սինոդի հայեցողութեամբ ներկայացուցիչներ վանքերից, հոգևոր ճեմարաններից և այլ եկեղեցական հաստատութիւններից, նոյնպէս և մասնաւոր անձինք, որոնք յայտնի են աստուածաբանական հմտութեամբ կամ դէպի եկեղեցու լուսաւորութիւնն ունեցած սիրով և առ հասարակ իրենց ունեցած ջերմեռանդութեամբ դէպի եկեղեցին:

10. Ժողովին նախագահում է ո. Սինոդի նախագահը, իսկ միւս երկու մեարդպոլիտները ներկայանում են իրրեւ տեղապահներ:

11. Ժողովի գործաւարտութեան համար ո. Սինոդի կողմից կազմուում է ատենադպրութիւն՝ սինոդական ծառայողներից, որ ենթարկուում է ժողովի նախագահին. ի գործակցութիւն կարող են հրաւիրուել գիւնական աստուածաբաններ և կանոնիկոսներ:

12. Ժողովի նիստերը պէտք է բաց լինին, սակայն մի քանիսը կարող են լինել նաև դռնփակ՝ եթէ այդ անհրաժեշտ է համարում ժողովը. ըստ որում կողմնակի անձանց թոյլտուութեան կարգը որոշուում է ո. Սինոդից հաստատուած կանոններով:

13. Ժողովի աշխատանքները հրատարակուում են դիւանագրութեան կողմից կամ համառօտ տեղեկութեանց կամ ստենոգրաֆիական հաշիւների ձևով:

14. Ժողովի տեղ նշանակուում է Մոսկուան:

Մոսկուայում Սինոդի ապարանից չոյս կտեսնէ Յովհաննու աւետարանը Ուկրայնի բարբառով, ապա Կիւիւքմանն Վատթէսսի և Վարկասի աւետարանները ոչաւոն ընադրով միասին, ապա Կոկսուի չորս աւետարանիչների տպագրութիւնը միասին միայն Ուկրայնի բարբառով:

Յայտարարելով այս լուրը „Перк. вѣст.“ նկատում է, որ ընդհանրապէս սուրբ և անսուսաճ պաշտութեան դրբեր զանազան լեզուներով և բարբառներով, ինչպէս և թարգմանականները, չափազանց քիչ են տպագրուում:

Ռուսաց Սինոդի որոշումը. Մայիսի 12-ին Սինոդը քննութեան նիւթ դարձնելով այն հանգամանքը, որ պետական Դումայի՝ յեղափոխական կուսակցական պատկանող մի քանի անգամ քահանաներ բացակայում էին մայիսի 7-ի Դումայի նստից, ուր քննուում էր Կայսեր կենաց դէմ դաւադրութեան առթիւ արուած հացապնդումը և զրանով յայտնի կերպով խուռափում էին կայսերատպան մտադրութիւնը պախարակելուց՝ հրամայեցին յանձնարարել Անտոն Մետրոպոլիտին՝ հրաւիրել յիշեալ քահանաներին և յայտնել, որ պարտաւոր են բացատրութիւն տալ Դումայի նիստից բացակայելուն առթիւ և անյապաղ թողնել այն կուսակցութիւնները, որոց պատկանում են՝ հրապարակապէս այն մասին յայտարարելով. իսկ պահանջը կատարել չուզելու դէպքում, պարտաւոր են կամովին հրաժարուիլ քահանայական կոչումից, որ անյարիր է յեղափոխական հայեացքների և կառավարութեան դէմ աւերիչ դործունէութեան հետ:

Այս առաջարկութիւնը մերժելու դէպքում՝ նոցա արարքի վերաբերեալ քննութիւնը կուղարուի իրենց թեմական առաջնորդներին:

Հասարակաց երգեցողութիւնը.

Ռուսաց տաճարներում եկեղեցական կեանքը կրկին նորոգելու միջոցներից մինը համարում է Ի. Ա.-ին հասարակաց երգեցողութիւն մտցնել եկեղեցիներում: Այս նոր հարց չէ, սակայն հոգեւոր մամուլը անտարբեր է վերաբերուել. մանաւանդ հոգեւոր դասը կարճես տրամադիր չէ այս խնդրով զբաղուելու, գլխացաւութիւնից փախչելով:

Բայց հեղինակը շատ կարեւոր և շատ ժամանակակից է հա-